

ALIANSI NASIONÁL KAMPONEZES TIMOR-LESTE

Rede HASATIL, Front Mahasiswa, Sindikatu Camponeses e Trabaldores Cosialista Timor, Sec Fongtil, Front Juventude, Front Tiga Roda, KUP. MEFETL, UNAER, Senat UNTL, Senadu Agrikultura UNPAZ, Senat UNITAL, ESAHANA, Movimentu Sepedaria, movivento Juventude Cristaun.

DEKLARASAUN POLÍTIKU KAMPONEZES BA KOMERASAUN LORON 17 ABRIL 2010

A. Lala'ok ba kotuk luta kamponezes

Hafoin segundu gerra mundiál mosu, “Revolutaun Verde” ho introdus sistéma monokultura no agro-industriál ne’ebé fo impaktu maka’as ba kamponezes ki’ik sira iha rai barak. Tan ne’e iha tinan 1993, sorumutu iha Mons Belgia kamponezes ki’ik sira husi Ámerica Latina ho Européia deklara Movimentu La Via Campesina sai hanesan mahon ba luta movimento kamponezes mundiál. Maske Movimentu La Via Campesina deklaradu, maibé assaun violéntu ka mahohok (asasinadu) mosu nafatin iha rai barak. Eemplo hanesan brutalismu polisia ba kamponezes BRAZIL nain 19 ne’ebé nia rai kompañia sira hadau “rai lakon”. Tamba ne’e mak iha tinan 1996 movimentu La Via Campesina Deklara polítikamente katak loron 17 Abril sai hanesan loron sagradu luta ba kamponezes mundiál (International day of Peasant's Struggles). Husi práтика “Revolutaun Verde,” Timor-Leste mós hetan influensa no impaktu ne’ebé mak halo matenek traditionál besik rahun hotu.

Tamba ne’e mak Aliansa Nasionál kampenez Timor-Leste ho Movimentu La Via Campesina mundiál komemora loron ida ne’e hodi hafanun nafatin ita hodi kontra práтика neo-liberaslimu, ne’ebé mak hamosu krizi ba finanseiru, enerjia, ai-han, biodiversidade no alterasaun klimátku hodi hamosu injustisa sosiál ba povu iha Timor-Leste no mos iha Mundu Rai Klaran.

B. Prinsípiu Aliansa Nasionál Kamponezes Timor-Leste.

1. Defende nasionalizasaun sasan públiku (Rai, We matan no Fini)
2. Defende merkadu justu.
3. Defende soberania ai-han.
4. Defende Justisa klimátku

C. Deklarasaun político Aliansa Nasionál Kamponezes Timor-Leste

Aliansa Kamponezes Timor-Leste respeita IV Govenu konstitusionál ne’ebé forma husi Governu Aliasa Maioria Parlamentár ne’ebé hetan apoiu liu husi regras demokrátku. Tamba ne’e ami ne’ebé mak hamahon-an iha Aliansa Nasionál Kamponezes Timor-Leste deklara ami nia pontus intervensaun ba situasaun ril nasaun Timor –Leste ne’ebé amensadu ba kamponezes nia futuru mak hanesan tuir mai ne’e:

1. Nasionaliza sasan publiku hanesan; reforma rai integradu (rai individu ho rai ne’ebé kompañia okupa hela) , Be Matan no Fini Lokal hodi nunee kamponezes mak sai nain lolós no la konkorda privatizasaun sasan públiku ba ema riku sira hodi hamusu klase sosiál (Kiak no Riku) iha Timor-Leste.

2. Estadu tenki kria merkadu nasionál ne'ebé justu liu husi evita kompetizasaun ho nune'e liga produstór no konsomidores direita hodi habadak korente negósiu iha merkadu nasionál no internasional.
3. Governu tenki kria kompañia nasionál liu husi armajen estadu, hodi nune'e hatama produsaun hahan baziku ne'ebé agrikutóres produs rasik.
4. Hari fábrika nasionál ba kafé no governu mak hahú no maneja komesa husi produsaun matéria prima to matéria ne'ebé prontu no governu lalais halo revizaun ba akordu ne'ebé mak NCBA, DELTA CAFÉ, SEED OF LIFE (Fini ba Moris) no Timor GLOBÁL implementa dau-daun.
5. Defende ba konstitusaun katak kualker riku soin no nesesidade públiku tenki dereitameña husi Estadu no jere hodi utuliza ba interesse komun hanesan Elektrisidade, Telekomunikasaun, Instalasaun bé mos no sel-seluk tan
6. Husu ba nasaun riku no boot sira atu hatun sira nia eminisaun no dezenvolve enerjia alternativas hodi benefisia ambiente ne'ebé saudavél ba povo iha área remotes
7. Tenki kria lei ne'ebé favorese no defende direitus kamponezes ba moris ne'ebé rohan la'ek
8. Hapara importasaun produtus agrícola ne'ebé mak kamponezes Timor-oan bele produz
9. Hapara sistema monokultura ba ai-laran no promove diversifikasiasaun ai-laran
10. Husu ba Estadu no Governu atu obta Ioron 17 Abril hanesan Ioron Nasional ba Kamponezes Timor-Leste

Deklarasaun ne'e sei valoriza ema hotu; sei la hare ba jénero, rasa, religiaun, klase sosiál no kultura.

Deklara iha:

Díli, 16 Abril 2010

Asinadu Pelu;

1. Rede HASATIL
2. Front Mahasiswa
3. Sindikatu Trabaldores e Camponeses Sosialista Timor
4. Sekretariadu FONGTIL
5. Front Juventude
6. Front Tiga Roda
7. Klibur Universitáriu Progresu
8. Movimentu Estudante Fakuldade Ekónómia Timor-Leste (MEFETL)
9. Uniaun Agrikultura Ermera (UNAER)
10. Senadu UNTL
11. Senadu Agrikultura UNPAZ
12. Senadu UNITAL
13. Estudante Hadomi Natrureza (ESAHANA)
14. Movimentu Sepedaria
15. Movimentu Juventude Cristaun